



UNIVERSITÄTS-  
BIBLIOTHEK  
PADERBORN

**Candidatus Abbreviatus Jurisprudentiae Sacrae, Hoc Est,  
Juris Canonici, Secundum Gregorii Papae IX. Libros V.  
Decretalium Explanati Summa, Seu Compendium**

**Pichler, Vitus**

**Augustae Vindel., 1733**

Titulus XIII. De Restitutione Spoliatorum.

---

[urn:nbn:de:hbz:466:1-63440](https://nbn-resolving.de/urn:nbn:de:hbz:466:1-63440)

nem, neempe conditio ex c. saepe contingit, &  
 & conditio ex can. redintegranda, & haec dicitur  
 etiam *remedium redintegranda*. Sed de Reme-  
 diis *Recuperanda* aget sequens.

## TITULUS XIII.

*De Restitutione Spoliatorum.*

## SUMMARIUM.

1. *Quid veniat nomine Spoliati, & Restitutionis.*
2. *3. Spoliatus regulariter restitui debet ame omnia, & plene, modo probet spoliationem.*
4. *Quæ sint remedia possessionis recuperanda, qui quibus agere possit spoliatus; & quodnam sit optimum. Remedium redintegranda da tur etiam contra tertium possessorem bona fidei.*
5. *Quæ sit alia pena spoliatoris.*

**I** *S*poliatus dicitur, qui clàm vel vi iustè de jectus est possessione vel quasi possessione rei; nam *spolium* est violenta vel clandestina privatio possessionis, sive deinde facta sit à pri vato, sive à Judice Juris ordinem non servante; non enim concessum est Judici contra Jus aliquid facere. *l. 32. ff. de Injur.* ne indè nascatur occasio injuriarum, unde jura descendunt, *l. 6. C. unde vi.* Per *Restitutionem* intelligitur positio in pristinum statum authoritate Judicis facta.

**2.** Dico I. Regula est, quod omnis spoliatus regulariter restitui debeat. 2. Et quidem ante omnia,

3. Ac

3. Ac plenè seu cum omni causa. 4. Modò probet possessionem priùs habitam, & dejectionem ab ea, seu spoliationem. 5. Quocunque remedium possessorio agat. Pars 1. patet ex l. 1. seqq. f. de vi & vi armata. c. 15. 17. 19. h. t. Pars 2. ex c. 1. 5. 7. eod. c. ult. de ord. cognit. l. 1. l. cit. §. 1. Pars 3. ex d. l. 1. §. 31. 40. 41. c. 11. h. t. Pars 4. ex d. l. §. 21. 23. & c. 10. de offic. deleg. Pars 5. ex l. cit. §. 6. l. 1. seqq. C. unde vi. c. sàpe contingit 18. h. t. & can. redintegranda 3. caus. 3. q. 1. Declaratur & probatur ulterius assertio; nam Dixi 1. *omnis*, ut adeò etiam prædo, seu qui invasit rem alienam, & ab alio, modò non sit notarius rei dominus, si respolietur, restituendus sit. c. 5. h. t. l. 1. cit. §. 30. Dixi 2. *spoliatus*, quo nomine veniunt etiam hæredes ipsius & successores.

Dixi 3. *regulariter*, quia non restituitur 1. qui renuntiat privilegio restitutionis, permittendo spoliantem agere in Petitorio. 2. Si constet nullum jus competere spoliato, ut si quis sponte dimisit possessionem, ut ex c. 1. seqq. h. t. docet communis contra Fachin. 3. Si notorium sit, spoliantem esse dominum seu proprietarium rei; cùm notoria proprietas debeat prævalere injustæ possessioni; si autem spolians dicat tantùm, se esse dominum, non tamen in continentि probet, licet sit, restitutio procedit. 3. Si spoliato opponatur exceptio, quòd agere non possit, utpote excommunicatus vel bannitus, vel crimen, ex quo amittitur ipso Jure proprietas & possessio, v. g. crimen læsæ Majestatis. 4. Si ex restitutione imminaret scandalum, vel grave periculum animæ & peccati, aut corporis, vel dampnum irreparabile, ut

si

Si uxor petat sibi restitui maritum, cui jam cohabavit, qui tamen in continentis offerret se ad probandum impedimentum dirimens: vel si maritus peteret sibi restitui uxorem, quæ fugit ob viri sa-  
vitium, nisi nempe prius ille cautionem præstet  
de non offendendo &c. §. Si pro spoliatore  
contra spoliatum stet præsumptio Juris, nisi spoliatus doceat de titulo, v. g. si quis in aliena Paro-  
chia collegit Decimas, & à Parochio spoliatus est.  
c. 2. b. t. in 6. Duxi 4. ante omnia, h. e. spoliator  
non auditur à Judice, antequam restituerit rem  
ablatam, nec antè tenetur respondere spoliatum  
ad objecta. Duxi 5. plenè, seu cum omni causa,  
scilicet non solum res ablata, sed etiam ejus ac-  
cessoria, & fructus omnes (exceptis merè indu-  
strialibus) à die spoliationis percepti, imò & per-  
cipiendi, quos nempe spoliatus exinde potuisse  
percipere, licet non perceperit spoliator, sunt re-  
stituendi, item resarcendum omne damnum spo-  
liato cum expensis, & exhibenda satisfactio pro  
injuria, nec spolians potest repetere expensas in  
rem spoliatam factas, nisi necessarias. Duxi 6.  
modò probet possessionem &c. sive dein ea fuerit  
naturalis tantùm, sive civilis tantùm, sive natura-  
lis & civilis simul, modò quis possederit tempore  
spoliationis: item gaudet hoc privilegio restitu-  
tionis, qui possedit ut vasallus, emphyteuta,  
usufructuarius, usuarius, conductor ad longum  
tempus &c. Duxi 7. agat, h. e. spoliatus in-  
duat partes Actoris; si enim sustineat partes  
Rei, & agenti, à quo fuit spoliatus, objiciat ex-  
ceptionem spolii, non testituitur, cùm restitu-  
tionem non petat: Actori tamen nec excipiens

ratio.

## De Restitutione Spoliatorum: 401

ratione spolii respondere tenetur, donec posses-  
sio ablata restituatur; nisi conventus fuerit crimi-  
naliter, & non majori bonorum parte spoliatus,  
aut nisi conventus super re spirituali opponat ex-  
ceptionem spolii in re temporali privata, vel vicis-  
sim; tunc enim non impeditur cognitio & decisio  
causae principalis. c. 1. §. 1. & 2. h.t. in 6. Idem est,  
si objiciat spoliationem ab alio, non ab Actore, fa-  
ctam. c. 1. §. 1. cit. Duxi 8. quocunque remedio,  
videlicet sive agat Interdicto Unde vi, aut actione  
vi bonorum raptorum, sive ex c. saepe contingit 18.  
h.t. aut ex can. redintegranda 3. caus. 3. q. 1. quam-  
vis aliquod sit inter haec remedia discrimen, ut con-  
stat in assertione sequente. Interim

Objicies 1. Prædo rem vi ablatam illicite deti-  
net: ergo licite a quovis eidem eripi, & ipse spo-  
liari potest. 2. Bona fides, & æquitas, non pati-  
tur, ut dominus a prædone spoliatus cogatur ei-  
dem rem suam restituere: ergo saltem prædo non  
est ante omnia restituendus. 3. Spoliatus benefi-  
cio Ecclesiasticō non restituitur, nisi prius docuerit  
de titulo colorato, ut tenet communis ex c. 1. de  
eo, qui mittitur &c. R. ad 1. illicite detinet respe-  
ctu veri domini notorii. C. ant. respectu tertii spo-  
liatoris, qui nullum occupandi possessionem jus  
habet. N. ant. & cons. Ad 2. dist. ant. si notorium  
sit, vel dominus in continent probare possit, se es-  
se dominum rei ablatæ. C. ant. secūs. N. ant. &  
cons. Ad 3. transeat antec. N. cons. & paritatem;  
nam possessio beneficii est conjuncta cum proprie-  
tate: ergo Actor super possessione etiam de pro-  
prietate docere debet, quod sit probando titulum  
saltem colorati. arg. l. 2. §. quadam ff. de Interdictis.

3

Pars I.

Cc

Dico

4 Dico 2. Interest, quo quis remedio *Recuperanda* agat. Quippe si agat *Interdicto Unde vi*, solum permittitur agere, qui suo nomine possedit, non qui alieno, ut depositarius, commodatarius, inquilinus ædium, conductor ad breve tempus, colonus fundi, procurator: item solum super spoliatione possessionis rerum immobilium: & contra eum, qui vi dejicit, mandavit, vel suo nomine factam dejectionem ratam habuit, & qui clamfecit: non contra tertium: uti nec liberis contraparentes: contra hos enim solum competit actio in factum: rursus non ultra annum utilem in ordine ad persecutionem damnorum, licet ulterius concedatur de eo, quod ad spoliatorem pervenit. Habentur hæc l. 1. §. 1. 12. 14. 22. 39. 43. & l. 7. l. 15. ff. de vi & vi arm. Si verò intentet actionem *vi bonorum raptorum*, in rebus solum mobilibus locum invenit. Si autem experiatur conditiones c. s̄aþe contingit, agere potest etiam contra heredes & successores spoliantis, mandantis &c. imo contra quemcumque detentorem malæ fidei, seu spolii concium, licet centesimus esset. c. s̄aþe contingit cit. quod ait, *non multum interesse quoad periculum animæ, injustè detinere, ac invadere alium.* Quapropter, cum agatur de peccato & periculo animæ, etiam in foro Civili hoc remedium procedit. Si denique velit uti *remedio can. redintegranda*, quod omnium pinguissimum est, & in utroque foro propterea communiter adhiberi solet, eo agere permittitur non solum, qui proprio, sed etiam qui alieno nomine possedit vel detinuit rem, ut inquilinus, depositarius &c. & quidem sine præfinitione temporis, tam in bonis immobiliis

bus

bus quam mobilibus spoliatus, nec tantum contra  
injuste spoliantem, mandantem, & tertium posses-  
sorem spoliationis consicum, sed etiam, ut tenet  
communis contra Gailium & Layman, adversus  
quemcunque possessorem etiam bonæ fidei, ad  
quem res pervenit vel cum, vel sine titulo, ad  
exemplum *actionis quod metū causā*, quæ datur  
non solum adversus personam inferentis metum,  
sed etiam adversus omnes, ad quos res metu ex-  
torta pervenit. l. 9. §. ult. ff. *quod met. caus.* Sic  
sentire nos docet text. & gl. in d. can. redinte-  
granda, & recepta praxis in foro etiam Civili, de  
qua testatur Myns. cent. 3. observ. 85. n. 3. 4. 5. 6.  
Addunt DD. plurimi cum Innoc. & Abb. quod  
absolutè non sit necessarium probare spolia-  
tionem, sed sufficiat probare possessionem antiquio-  
rem, & Adversarium nunc possidere; quia pos-  
sessio nova præsumitur vitiosa vel clandestina.

*Objic.* 1. Melior est conditio possidentis: er-  
go bonæ fidei possessor non tenetur rem restitu-  
te, donec ab Adversario probetur dominium.  
2. Jus recentius corrigit antiquius: sed c. sape  
tomingit cit. cuius remedium datur etiam contra  
tertium, at malæ tantum fidei possessorem, estre-  
centius, quam d. can. redintegranda: ergo, R. ad  
1. Non est melior conditio possidentis, quando  
jus resistit possidenti: sed can. cit. per verba, per  
quascunque *injustas causas*, & dum impersonaliter  
loquitur, contra quemcunque indulgetur restitu-  
tio, & juxta communem intellectum praxi firma-  
rum resistit possidenti rem spolio ablatam; imò,  
postquam spoliatus probavit spoliationem, vel  
antiquiorem possessionem, desinit bona fides pos-

C. 2

siden-

404 LIB. II. TITULUS XIV.

sidentis, & incipit militare ratio peccati. Ad *dist. ma.* Si Jus recentius exprimat correctionem, vel incompossibile sit, cum antiquiore. *C. ma. se-*  
*cus. N. ma.* nec exprimit correctionem *d. c. sap-*  
*contingit*, nec per hoc, quod exprimat tantum  
malæ fidei possessorem, pugnat cum *can. redi-*  
*granda*; quia utrumque Jus pro fine habet evita-  
tionem peccati, quod continuatur in injusta de-  
tentione rei spoliatae: injusta autem detentio de-  
tegitur, & malæ fidei possessio oritur ex probatio-  
ne spolii.

¶ Quæres, an specialis adhuc pœna civilis rep-  
riatur in Jure contra spoliatorem lata? *R. affi-*  
*mativè*; nam de Jure Civili *in l. 7. C. unde vi. con-*  
*stitutum est*, quod, si dominus per vim accepit rem  
suam, amittat illius dominium: si non dominus,  
præter restitutionem debeat æstimationem rei ab-  
latæ præstare. Et hoc Jus non videtur corrum-  
pere à Jure Canonico, sed potius approbatum in *can.*  
*2. caus. 16. q. 6.* Notant tamen DD. quod pœna  
hæc amissionis dominii, & præstandæ æstima-  
tions, hodie paucis in locis sit usu recepta, sed pœna  
arbitraria à Judice infligatur. Vid. Lauterbach  
*ad ff. tit. de vi & vi arm. §. 20.*

TITULUS XIV.

*De Dolo, & Contumacia.*

SUMMARIUM.

1. *Quid, & quotuplex sit Dolus.*
2. *Quid, & quotuplex sit Contumacia.*

3. *Dol-*